

**LJEKARSKA/LIJEČNIČKA KOMORA
FEDERACIJE BOSNE I HERCEGOVINE**

**PRAVILNIK
O SADRŽAJU I IZGLEDU REGISTRA LICENCIRANIH ČLANOVA
LJEKARSKE/LIJEČNIČKE KOMORE FBiH I
KANTONALNIH/ŽUPANIJSKIH LJEKARSKIH/LIJEČNIČKIH KOMORA**

Zenica, april 2014. godine

Na osnovu člana 221. stav 6. alineja 2. i 3. Zakona o zdravstvenoj zaštiti (Službene novine FBiH broj 46/10, 75/13), člana 8. Statuta Ljekarske/Liječničke komore FBiH, Skupština Ljekarske/Liječničke komore FBiH na sjednici održanoj dana 26. aprila 2014. godine donijela je

PRAVILNIK
O SADRŽAJU I IZGLEDU REGISTRA LICENCIRANIH ČLANOVA
LJEKARSKE/LIJEČNIČKE KOMORE FBiH I
KANTONALNIH/ŽUPANIJSKIH LJEKARSKIH/LIJEČNIČKIH KOMORA

I OPĆE ODREDBE

Član 1.

Ovim Pravilnikom propisuje se sadržaj i izgled te uređuje postupak upisa i vođenja registra ljekara/liječnika, članova Ljekarske/Liječničke komore FBiH i kantonalnih/županijskih ljekarskih/liječničkih komora.

Ovim Pravilnikom propisuju se i izvaci i potvrde, koje se izdaju na temelju evidencije koja se vodi u registru iz stava 1. ovog člana.

Član 2.

Po ovom Pravilniku dužne su postupati Ljekarska/Liječnička komora Federacije Bosne i Hercegovine i kantonalne/županijske ljekarske/liječničke komore (u daljem tekstu: kantonalne/županijske ljekarske/liječničke komore).

Član 3.

Kantonalne/županijske ljekarske/liječničke komore vode registar ljekara/liječnika te druge upisnike i evidencije, koji predstavljaju javne knjige.

Na osnovu evidencije iz stava 1. ovog člana ljekarske/liječničke komore izdaju i izvatke i potvrde, koje predstavljaju javne isprave.

Ljekarske/liječničke komore, kao kontrolori podataka evidencije iz stava 1. ovog člana, saglasno Zakonu o zaštiti ličnih podataka (Službeni glasnik BiH broj 49/06, 76/11 i 89/11) štite privatnost svojih članova.

II IZGLED I SADRŽAJ REGISTRA

Član 4.

Ljekarska/Liječnička komora FBiH vodi jedinstven registar članova svih kantonalnih/županijskih ljekarskih/liječničkih komora.

Kantonalne/županijske ljekarske/liječničke komore vode registre svojih članova.

Registri iz stava 1. i 2. ovog člana imaju elektronsku formu, a oblik i sadržaj registra utvrđen je na obrascu koji čini Prilog I ovog Pravilnika.

Član 5.

Registar ljekara/liječnika sadrži podatke o ljekarima/liječnicima – članovima komore i komore ih prikupljaju i evidentiraju u skladu sa Zakonom, Pravilnikom o utvrđivanju zajedničkih kriterija za licenciranje članova Ljekarske/liječničke komore FBiH i članova kantonalnih/županijskih ljekarskih/liječničkih komora i ovim Pravilnikom.

Član 6.

U registar ljekara/liječnika upisuju se slijedeći podaci:

I) OSNOVNI PODACI

- 1) registarski broj ljekara;
- 2) ime i prezime;

- 3) djevojačko prezime;
- 4) ime oca i majke;
- 5) datum i mjesto rođenja;
- 6) JMBG;
- 7) državljanstvo;
- 8) adresa prebivališta;
- 9) kontakt telefon i e-mail adresa;

II) STRUČNI PODACI

- 1) naziv fakulteta, datum diplomiranja i broj diplome;
- 2) datum i mjesto polaganja specijalističkog ispita, oblast specijalizacije i broj uvjerenja o položenom specijalističkom ispitu;
- 3) datum i mjesto polaganja subspecijalističkog ispita, oblast subspecijalizacije i broj uvjerenja o položenom subspecijalističkom ispitu;
- 4) datum i mjesto polaganja stručnog ispita i broj uvjerenja o položenom stručnom ispitu;
- 5) naziv i sjedište ustanove u kojoj radi;
- 6) datum upisa / ispisa iz registra;
- 7) godina sticanja stručnih, naučnih i naučno-nastavnih zvanja: primarijus, magistar, doktor nauka, docent, vanredni profesor, redovni profesor, akademik;
- 8) podaci o privatnoj / dopunskoj djelatnosti;
- 9) podaci o izdatim licencama (evidentira se broj i datum izdate licence te rok važnosti iste);
- 10) podaci o statusu člana (zaposlen, nezaposlen, penzioner, napustio, preminuo);
- 11) napomene (unose se činjenice koje su od značaja);
- 12) podaci o pravosnažnim odlukama Suda komore (unose se podaci o eventualnim postupcima, kao i odlukama Suda komore);

III) PODACI O STRUČNOM USAVRŠAVANJU

- 1) podaci o aktivnostima (evidentiraju se podaci o stručnom usavršavanju ljekara/liječnika, u skladu sa Pravilnikom o zajedničkim kriterijima i postupcima stručnog usavršavanja ljekara/liječnika u FBiH.

III POSTUPAK UPISA U REGISTAR

Član 7.

Ljekar/liječnik, nakon položenog stručnog ispita, nadležnoj ljekarskoj/liječničkoj komori (član 4. – 7. Pravilnika o utvrđivanju zajedničkih kriterija za licenciranje članova Ljekarske/liječničke komore FBiH i članova kantonalnih/županijskih ljekarskih/liječničkih komora) podnosi zahtjev za upis u registar ljekara/liječnika.

Zahtjev iz stava 1. ovog člana podnosi se na obrascu koji čini Prilog II ovog Pravilnika.

Uz zahtjev, iz stava 1. ovog člana, Ljekar/liječnik je obavezan dostaviti Evidencijski list te dokumentaciju utvrđenu Pravilnikom o utvrđivanju zajedničkih kriterija za licenciranje članova Ljekarske/liječničke komore FBiH i članova kantonalnih/županijskih ljekarskih/liječničkih komora.

Član 8.

Postupak razmatranja zahtjeva za upis u registar ljekara/liječnika, komore provode na način utvrđen Pravilnikom o utvrđivanju zajedničkih kriterija za licenciranje članova Ljekarske/liječničke komore FBiH i članova kantonalnih/županijskih ljekarskih/liječničkih komora te Statutom i drugim aktima kantonalnih/županijskih ljekarskih/liječničkih komora.

Nakon provedenog postupka, Ljekarska komora donosi odluku (rješenje) o upisu u registar ljekara/liječnika i izdavanju licence, odnosno odluku (rješenje) kojim se zahtjev odbija.

Rok za provođenje postupka iz stava 1. i 2. ovog člana je trideset (30) dana od dana prijema uredno dokumentiranog zahtjeva.

Član 9.

U slučajevima propisanim članom 5. Pravilnika o utvrđivanju zajedničkih kriterija za licenciranje članova Ljekarske/liječničke komore FBiH i članova kantonalnih/županijskih ljekarskih/liječničkih komora, po prijemu uredno dokumentiranog zahtjeva, predsjednik Ljekarske/Liječničke komore FBiH uz prethodno

pribavljenu saglasnost Izvršnog odbora donosi rješenje o upisu u registar ljekara/liječnika i izdaje licencu članu komore.

Rok za provođenje postupka iz stava 1. ovog člana je trideset (30) dana od dana prijema uredno dokumentiranog zahtjeva.

Član 10.

Upisom u registar ljekara/liječnika i izdavanjem licence, ljekar/liječnik stiče prava i obaveze zajamčene Statutom kantonalne/županijske ljekarske/liječničke komore, čiji je ljekar/liječnik član.

Danom upisa u registar kantonalna/županijska ljekarska/liječnička komora ljekaru/liječniku će izdati licencu i člansku iskaznicu.

Upisom u registar, ljekar/liječnik stiče i obavezu plaćanja članarine kantonalnoj/županijskoj ljekarskoj/liječničkoj komori, čiji je ljekar član, kao i Ljekarskoj/Liječničkoj komori FBiH.

Član 11.

Ljekari/liječnici su dužni, pravovremeno, obavještavati kantonalnu/županijsku ljekarsku/liječničku komoru o svim nastalim promjenama u podacima koji se upisuju u registar ljekara/liječnika i koji su od uticaja na izdatu licencu (stečen stručni naziv specijalista, odnosno subspecijalista, stečeno zvanje primarijus, stečeno naučno-nastavno zvanje, promjena ličnih podataka).

Član 12.

Kantonalne/županijske ljekarske/liječničke komore su dužne svaku promjenu podataka u registru ljekara/liječnika (*izvršen upis, podatke o članovima ime i prezime, JMBG, adresa prebivališta, specijalizacija, subspecijalizacija, akademska titula, odnosno naučno-nastavno zvanje, počasni naziv primarijus, radni status, podatke o izdatim licencama, ili izvršen ispis*) pravovremeno dostavljati Ljekarskoj/Liječničkoj komori FBiH.

IV IZVACI I POTVRDE

Član 13.

Kantonalne/županijske ljekarske/liječničke komore, na osnovu evidencije iz registra ljekara/liječnika izdaju slijedeće:

- 1) Potvrde o članstvu u kantonalnoj/županijskoj ljekarskoj/liječničkoj komori;
- 2) Potvrde o poštivanju etičkih principa struke, odnosno da se protiv podnositelja zahtjeva ne vodi disciplinski postupak;
- 3) Potvrde o izmirenim obavezama na ime članarine kantonalnoj/županijskoj ljekarskoj/liječničkoj komori.

Potvrde iz alineje 1, 2 i 3 stava 1. ovog člana predstavljaju javne isprave i izdaju se na jednom od jezika koji su u službenoj upotrebi u Bosni i Hercegovini.

Član 14.

Kantonalne/županijske ljekarske/liječničke komore, donose akta kojima uređuju naknade za:

- 1) Postupak upisa u registar ljekara/liječnika;
- 2) Postupak izdavanja licence ljekarima/liječnicima;
- 3) Postupak izdavanja iskaznice ljekarima/liječnicima;
- 4) Postupak izdavanja potvrda iz člana 13. ovog Pravilnika.

V OBLIK I SADRŽAJ ISKAZNICE

Član 15.

Kantonalne/županijske ljekarske/liječničke komore, danom upisa u registar, ljekaru/liječniku će izdati i člansku iskaznicu.

Član 16.

Članska iskaznica obavezno sadrži slijedeće podatke:

- 1) naziv, znak i sjedište kantonalne/županijske ljekarske/liječničke komore koja je izdala iskaznicu te naziv i znak Ljekarske/Liječničke komore FBiH;

- 2) naznaku da je ljekar/liječnik član kantonalne/županijske ljekarske/liječničke komore;
- 3) ime i prezime ljekara/liječnika;
- 4) registarski broj;
- 5) fotografiju ljekara/liječnika.

Član 17.

Članska iskaznica može da sadrži i slijedeće podatke:

- 1) naznaku stručnog naziva, naziva specijaliste, odnosno subspecijaliste, akademske titule, odnosno naučno-nastavnog zvanja ljekara/liječnika ili počasnog zvanja primarijus;
- 2) rok važnosti iskaznice;
- 3) naznaku da je iskaznica vlasništvo izdavaoca, odnosno kantonalne/županijske ljekarske/liječničke komore i da na zahtjev mora biti vraćena;
- 4) ostale podatke, u skladu sa Statutom i drugim aktima kantonalnih/županijskih ljekarskih/liječničkih komora.

Član 18.

Ljekar/liječnik je dužan gubitak članske iskaznice odmah prijaviti izdavaocu, odnosno kantonalnoj/županijskoj ljekarskoj/liječničkoj komori čiji je član.

Kantonalna/županijska ljekarska/liječnička komora će provesti postupak oglašavanja iskaznice nevažećom te ljekaru/liječniku izdati novu člansku iskaznicu.

Rok za provođenje postupka iz stava 2. ovog člana je 30 (trideset) dana.

VI ISPIS IZ REGISTRA

Član 19.

Kantonalne/županijske ljekarske/liječničke komore, izvršit će ispis iz registra ljekara/liječnika u slijedećim slučajevima:

- 1) na zahtjev ljekara/liječnika;
- 2) prestankom članstva ljekara/liječnika u komori;
- 3) na zahtjev Suda Komore;
- 4) po isteku kalendarske godine za koju ljekar/liječnik nije platio članarinu.

VI PRELAZNE I ZAVRŠNE ODREDBE

Član 20.

Kantonalne/županijske ljekarske/liječničke komore, su dužne, u roku od 90 dana od dana stupanja na snagu ovog Pravilnika, uskladiti svoje opće akte sa odredbama ovog Pravilnika te osigurati svojim članovima postupak propisan ovim Pravilnikom.

Član 21.

Ovaj Pravilnik stupa na snagu osmog (8) dana od dana usvajanja na Skupštini Ljekarske/Liječničke komore FBiH.

Ovaj Pravilnik je objavljen na web stranici Ljekarske/Liječničke komore FBiH www.fmcbih.ba.

Zenica, 26.04.2014. godine
Broj: /14

Predsjednik Skupštine
Mr. med. sc. Hidajet Rahimić, dr. med. prim.



LJEKARSKA KOMORA TUZLANSKOG KANTONA REGISTAR ČLANOVA



Broj registra

email adresa:

<p>OSNOVNI PODACI</p> <p>Ime Prezime Djevojačko Ime oca me majke Datum rođenja Mjesto rođenja JMBG Grad Nacionalnost Državljanstvo 1 Državljanstvo 2 Bračno stanje Broj djece Adresa</p> <p>Telefon GSM email</p>	<p>FAKULTET</p> <p>Datum Broj</p>	<p>Fotografija</p> 
<p>PRIVATNA I DODATNA DJELATNOST</p> <p>Datum Mjesto</p> <p>Privatna Dodatna</p>	<p>SPECIJALIZACIJA</p> <p>Datum Broj Mjesto</p>	<p>REGISTAR</p> <p>Upis Ispis</p>
<p>USTANOVA U KOJOJ RADIM</p>	<p>SUBSPECIJALIZACIJA</p> <p>Datum Broj Mjesto</p>	<p>Godina</p> <p>Primarijus Magistar Doktor nauka Docent Van. profesor Red. profesor Akademik</p>
<p>STRUČNI ISPIT</p> <p>Datum Mjesto</p> <p>Radni status</p> <p><input type="text"/></p> <p>Napomene i primjedbe</p> <div style="border: 1px solid black; height: 150px; width: 100%;"></div>		

IME I PREZIME

ZAPOSLEN/A U

E-MAIL

BROJ TELEFONA

NAZIV LJEKARSKE/LIJEČNIČKE KOMORE

NA OSNOVU ČLANA 147. ZAKONA O ZDRAVSTVENOJ ZAŠTITI (SL. NOVINE FBiH BROJ 46/10, 75/13) PODNOSIM

**ZAHTJEV
ZA UPIS U REGISTAR LJEKARA/LIJEČNIKA I IZDAVANJE LICENCE**

UZ ZAHTJEV PRILAŽEM:

- 1) OVJERENU FOTOKOPIJU DIPLOME MEDICINSKOG FAKULTETA, ODNOSNO RJEŠENJE O NOSTRIFIKACIJI DIPLOME STEČENE U INOSTRANSTVU;**
- 2) OVJERENU FOTOKOPIJU UVJERENJA O POLOŽENOM STRUČNOM ISPITU LJEKARA/LIJEČNIKA ILI DOKAZ O PRIZNATOM STRUČNOM ISPITU OD STRANE FEDERALNOG MINISTARSTVA ZDRAVSTVA;**
- 3) UVJERENJE O DRŽAVLJANSTVU;**
- 4) OVJERENU IZJAVU O POŠTIVANJU ETIČKIH I DEONTOLOŠKIH NAČELA STRUKE;**
- 5) EVIDENCIJSKI LIST;**
- 6) IZJAVU O PLAĆANJU ČLANARINE.**

DOKUMENTACIJA DOSTAVLJENA U PRILOGU OVOG ZAHTJEVA JE PREDATA U OVJERENOJ FOTOKOPIJI.

MJESTO, DATUM

PODNOŠILAC